

鉢仰鉢法者一心和合僧是大名梨昌偏袒右肩合掌胡跪言衆僧憶念我大名梨昌罵詈道說比丘陀驃力士子清淨梵行人我以無根非梵行故謗僧作覆鉢一切五衆不得至我家手受食我今願衆僧還仰鉢一切五衆如本往來我舍手受食憐愍故如是三乞

一比丘應僧中唱言大德僧聽是大名梨昌罵詈道說比丘陀驃力士子清淨梵行人以無根波羅夷謗故僧爲作覆鉢一切五衆不得往至大名梨昌家手受食若僧時到僧忍聽爲大名梨昌仰鉢如本往來自受食如是白白四羯磨僧已仰鉢竟僧忍默然故是事如是持

二十一

十誦律卷第三十七

存七

軒
許安反 穫牛祭反
秋六
令覺教下音
反
擯必刃
鉢刮
上步交蒲兒二
腋
音鍔尼
亦鑷反

十誦律卷第三十八

存八

第六誦之三

雜誦初二十法

初中後各

姚秦三藏佛若多羅共三藏鳩摩羅什譯

佛遊婆伽國人間教化有一處名失守羅毗
師藍蜜伽藍是失守羅處菩伽王子家有新
堂成名鳩摩羅未有沙門婆羅門入中坐者
爾時王子聞佛遊婆伽國人間教化在失守
羅處毗師藍蜜伽藍教化我今有新堂名鳩
摩羅成來未久修飾盡治訖亦未久未有沙
門婆羅門入中坐者若出尊與衆僧先入我
舍者我大得利何以故佛入我舍故佛入已

圈渠卷餉詩上杙杙音若提上汝者反綴後練若同綴知齋反
鋤丁亂反掘掘櫬二其初反棧棧仕限反
耕耕反沓徒合反衣緣下正去刷所易令捲下所六反
輶輶音專反墺墺音專同斃斃都墺瓦戶江張直耕寶音驃妙反

我當後入善伽王子即喚薩若瞿妬路摩牢
向作是語我聞世尊遊婆伽國人間教化在
失守羅處毗師藍蜜伽藍教化遊行我今有
新堂名鳩摩羅新成未有沙門婆羅門入中
坐者若佛先入者我得大利佛入已我當後
入薩若瞿妬路摩牢汝往世尊所以我語白
佛言世尊善伽王子頭面禮佛足問訊世尊
作是言善伽王子有新成堂名鳩摩羅未有
沙門婆羅門入者善伽王子請佛及僧時薩
若瞿妬路摩牢受王子語已往世尊所作如
是言世尊善伽王子頭面禮足問訊世尊少
病少惱安樂住不我有新成堂名鳩摩羅成

雲沙門已受王子請隨王子意爾時善伽王
子竟夜辦具種種多美飲食辦已晨朝敷坐
處以衣布地莊嚴鳩摩羅堂及階陛莊嚴竟
即語薩若瞿妬路摩牢往世尊所白言時到
薩若瞿妬路摩牢受語已即往世尊所白言
時到爾時世尊中前著衣持鉢大眾圍遶到
善伽王子舍爾時王子約勒家內一切大小
皆出門外時王子遙見世尊來即從座起叉
手在一面立作如是言善來世尊王子前詣
佛所頭面禮足迎世尊到鳩摩羅堂王子在
階道邊立佛及僧往至階頭立住爾時善伽
王子又手立白佛言世尊願前堂上從敷疊
存八二

處上令我等長夜安隱時長者阿難在佛後
以扇扇佛佛語阿難隨法約勒王子爾時阿
難語善伽王子却地所敷衣被牀上者置王
子不肯阿難語王子佛憐愍後來衆生故且
却時善伽王子即却地所敷衣被爾時王子
又手白佛言已却地敷願佛上堂令我等常

得安隱佛即上堂敷坐具在諸比丘前坐爾持王子自行水已下種種飲食僧得飽滿食已攝鉢行水行水時王子執澡槃承水竟聽佛說法佛為說種種法示教利喜示教利喜已從座起去佛時食後集比丘僧語諸比丘若地敷衣不應在上行在上行者突吉羅

佛在舍衛國有一婆羅門大富多饒財寶田宅牛羊唯少一事無有兒息求一切天神所謂水神樹神為求兒故窮極不能得有一比丘尼常出入其舍後日來時婆羅門婦有不淨出時比丘尼語婦人言汝不清淨我曾聞取阿羅漢行跡處物浣取汁洗浴便得有兒此中除佛及弟子衆餘處更無母尊若來入汝舍者可得生兒時婆羅門婦聞已云何方便令佛入舍便以方便語婆羅門我曾聞取阿羅漢行跡處物浣取汁洗浴便得有兒除佛及弟子衆餘處更無若佛入舍者可得生兒時婆羅門不信是語以求兒故答言隨意

存八

三

婦言汝往請佛時婆羅門往世尊所一面坐問訊世尊佛為種種說法示教利喜已默然婆羅門言願佛及僧明日受我請佛默然受知佛受已從座起右遶而去到自舍通夜辦種種多美飲食辦已晨朝敷坐處以種種物布地乃至外門往白佛言時到食具已辦佛自知時諸比丘往婆羅門舍佛自住房迎食分爾時諸比丘自却地敷前入其舍時婆羅門心念入時不行地敷上出時當在上行諸比丘坐已自行澡水下食僧飽滿食已攝衣鉢洗手呪願呪願已從上座次第却地敷而出時婆羅門心重不樂是沙門斷種人破我婆羅門行我有所為作是供養而常不果諸比丘食後到佛所頭面禮足在一面坐諸佛常法食後比丘來以是語勞問諸比丘飲食多美僧飽滿不佛即以是語勞問諸比丘飲食多美僧飽滿不諸比丘言飲食多美衆僧飽滿以上因緣向佛廣說佛以是事集僧集

僧已種種因緣讚戒讚持戒讚持戒已飽諸比丘從今憐愍衆生故聽汝等地敷上

行時比丘尼聞佛聽地敷上行以婆羅門因緣故先往婆羅門家比丘尼便往語婆羅門婦言佛先結戒不聽比丘地敷上行以是因緣故聽汝可更請令踏上過時婆羅門婦以

方便語夫佛先結戒不聽比丘行地敷上以是因緣故聽今可更請婆羅門心亦不喜以爲兒故答言隨意婦語夫言可往請佛婆羅

門往到世尊所一面坐問訊世尊佛爲婆羅門說種種法示教利喜示教利喜已默然婆羅門白佛言願受我明日請佛默然受婆羅門知佛受已從座起去竟夜辦種種多美飲食晨朝以種種物布地乃至外門往白佛時到食具已辦爾時世尊著衣持鉢諸比丘僧前後圍遶到舍就座坐已自行澡水下食食已攝鉢行水婆羅門在佛前聽說法聽說法已白佛言世尊我家當生兒不佛言生生已

當出家第二生者亦當出家第三生者亦當出家次後生者當在家

佛自恣後遊行教化有一比丘手捉鉢藥草鉢藥草草屣遊行答言我更無著處佛言從今聽畜三種囊鉢囊藥草囊草屣囊佛在王舍城爾時六羣比丘所受持坐具置一處已餘處宿佛言從今日所受坐具不應離宿犯者突吉羅

佛在舍衛國橋薩羅國有阿練若處有二比丘在彼住一人犯戒一人淨持戒此二比丘未曾見佛欲共往見佛道中值有蟲水破戒者語持戒者言可共飲是水持戒者言水中得蟲云何可飲犯戒者言我若不飲便死不得見佛聞法及僧持戒者言至死不飲時犯戒者便飲持戒者不飲便死即生三十三天上得天身具足先到佛所頭面禮足在一面上立在一面立已佛爲種種說法得法眼淨即

時禮佛足言歸依佛歸依法歸依僧我盡形壽爲優婆塞佛更爲說法已默然時天禮佛已忽然不現時飲水者後到佛所佛爲無量衆圍遶說法佛見此比丘來到佛所佛時發優多羅僧示金色身汝癡人欲見我肉身爲不如持戒者先見我身佛說偈言

庚

五

心不善觀察見則不審諦愚如蛾投火而貪觀我身色身但不淨汝欲見何爲內有脂血肉外爲薄皮覆彼爲渴所燒猶行恭敬戒至死護我教彼見我非汝佛說是偈已吉諸比丘從今不持漉水囊不聽行若不行者犯突告羅不犯者有清流

水或大河或泉水從此寺至彼寺二十里內不犯爾時比丘聚落中有緣事無漉水囊故不去若不去者此事不成以是事白佛佛言若一比丘有漉水囊便得共去爾時六羣比丘聚落中有緣事往語知識比丘我有緣事可共至聚落是比丘言我無漉水囊六羣比

丘言我有可共俱往答言可爾行時道中共諍值有蟲水六羣比丘以漉水囊自漉水飲彼比丘索不與是比丘極渴急至死以是因緣白佛佛言若比丘先不共諍無嫌心者應共行有嫌心者不應共去

佛在王舍城爾時六羣比丘木上食佛言從

今不得木上食若用食者突吉羅爾時六羣比丘自畜木盤食或畜牀子食或畜盤食佛言不聽畜木盤木牀木盤食若用食者突吉羅食佛在王舍城爾時六羣比丘二人共一鉢食佛言不得共鉢食若共鉢食者突吉羅不犯者食休已過與不犯

佛在王舍城六羣比丘不著袈裟食佛言不聽不著袈裟食不著食者突吉羅

佛在王舍城爾時六羣比丘露身揩佛言不得露身揩犯者突吉羅又六羣比丘揩露身者佛言不聽揩露身者犯者突吉羅有二比丘俱露身相揩佛言若露身相揩者俱突吉

羅 佛在舍衛國有比丘名疑離越小豆羹中得生小豆便出著地此豆可生汙葉華實是比丘語諸比丘此羹不淨不應食諸比丘以是事白佛佛知故問疑離越汝實羹中得生小豆出著地可生牙葉華實語諸比丘此羹不淨不應食耶答言實爾世尊佛種種因

存八

六

緣讚戒讚持戒讚戒讚持戒已語諸比丘此羹若未熟者應更煮若先生應作淨已煮

佛在舍衛國諸比丘作淨地羯磨佛言從今

不聽作淨地若作者突吉羅

佛在舍衛國有比丘名牛頭食已更啖諸比丘見非時齋食各相謂言是比丘過中食聞

何得食是事白佛佛言食墮所受草葉上者應食若有土著吹土却而食或有多土著者水洗得食

佛在王舍城爾時六羣比丘銅盃中食諸居士呵責言諸沙門釋子自言善好有德銅盃中食如婆羅門佛言不聽銅盃中食犯者突

七

吉羅

存八

佛在王舍城爾時六羣比丘洗腳處洗腳洗腳時並共人語餘比丘見吐悶佛言從今不得洗腳時共他語犯者突吉羅

佛自恣後遊行教化有比丘手捉革屣行佛見是比丘知而故問汝何以手捉革屣行答

佛語諸比丘莫謂是比丘過中食何以故是比丘先五百世時常生牛中是比丘雖得人身餘習故在佛言若更有如是病者應在屏覆處不應衆人前呵

佛在婆伽國爾時善伽王子請佛及僧明日

言革屣齧腳腳中痒悶無揩脚物佛言聽畜
揩脚木用除脚痒故

佛在王舍城爾時有檀越施僧扇諸比丘不
受佛未聽我等畜扇是事白佛佛言聽畜僧
得畜一人亦得畜復有人施僧拂諸比丘不
受佛未聽我等畜拂是事白佛佛言聽畜僧

得畜一人亦得畜時有人施僧犛牛尾拂諸
比丘不受不知何所用是事白佛佛言聽受
用拂佛塔及諸阿羅漢塔爾時有人以摩尼
珠作拂柄施比丘諸比丘不受不知云何用
是事白佛佛言聽受用拂佛塔及阿羅漢塔
爾時有檀越施僧多羅樹葉諸比丘言佛未
聽我等畜多羅樹葉是事白佛佛言僧得受
一人亦得受

佛在王舍城爾時六羣比丘自持蓋入他舍
諸居士呵責言云何名比丘持蓋入他舍如
王如大臣是事白佛佛言不聽持蓋入他舍
犯者突吉羅不犯者若解若置門外

佛在舍衛國有二婆羅門一名瞿波二名夜
波於佛法中得信出家本誦外道四圍陀書
出家已以是音聲誦佛經法時一人死一人
獨在所誦佛經忘不通利更求伴不得心愁
不樂是事白佛佛言從今以外書音聲誦佛
經者突吉羅

佛在舍衛國有比丘捨修多羅阿毗曇捨毗
尼誦外書文章兵法遠離佛經佛言從今諸
比丘若有學誦外書文章兵法者突吉羅佛
未制是戒時長老舍利弗目連處高座上爲
諸新比丘沙彌說教學誦外書爲破外道論
故制是戒已長老舍利弗目連便不處高座

存八

八

爲新比丘沙彌說法教學外書爾時諸外道
聞沙門瞿曇不聽弟子學誦外書是婆羅門
便往語諸信佛優婆塞言可共往到諸比丘
所答言隨意外道到已與新比丘沙彌共論
議諸新比丘沙彌皆不能答以二事故一者
新入道二者佛制不聽學故時諸外道輕弄

諸優婆塞言汝之大師汝所供養汝所尊重上座先食者正如是耶諸優婆塞聞是事心愁不樂以是事白佛佛言從今聽爲破外道故誦讀外道書

佛在舍衛國爾時長老迦留陀夷放火燒諸草木以放燒故多殺種種蟲佛言從今比丘不得放火燒若放火燒者隨所殺得罪

佛在舍衛國有看病人未蒲五臘爲病人出行離依止入聚落求藥不得爾時心念佛制戒不得離依止一夜別宿即於彼處便求依止依止師復病是人心念彼依止師病此依止師病我今當作何等是事白佛佛言從今

一人亦得畜復有人施長老須菩提俱執半成色半不成色時須菩提不受作是言佛未聽我等受半成色半不成色俱執是事白佛佛言從今聽畜半成色半不成色俱執衆僧得受一人亦得受

佛在舍衛國有五比丘得長五肘廣三肘衣

聽若五夜若六夜無依止不犯結此戒已六羣比丘聞佛聽故便五夜不求依止何以故若得依止者須我供給諸比丘以是事白佛佛言從今有好依止師者乃至一夜不依止笑吉羅若比丘無依止乃至不得取僧洗腳

水用

存八

九

佛在舍衛國有比丘不繫泥洹僧入聚落於聚落中墮地是比丘大慚愧是事白佛佛言從今不繫泥洹僧入聚落者突吉羅有比丘一帯繫泥洹僧入聚落時喫故帶斷墮地是事白佛佛言從今不聽一帯繫泥洹僧入聚落犯者突吉羅爾時有人施長老須菩提細

縷繫腰帶須菩提不受作是言佛未聽我細

縷繫腰帶是事白佛佛言聽畜三種帶一者細縷帶二者索繩帶三者辦帶帶時泥洹僧喜破佛言應施環六羣比丘如兩耳著泥洹僧細襠著泥洹僧鋸頭著泥洹僧參差著泥洹僧著細生疎泥洹僧佛言不得如兩耳著泥洹僧細襠著泥洹僧鋸頭著泥洹僧參差著泥洹僧著細生疎泥洹僧著者突吉羅

者突吉羅

佛在王舍城爾時六羣比丘二人共牀卧是

存八

事白佛佛言從今不聽二人共牀一卧犯者突吉羅若一人坐一人卧不犯爾時六羣比丘二人共一敷卧佛言從今不聽二人共一敷卧犯者突吉羅若自別有敷具不犯爾時六羣比丘二人共一覆衣中卧佛言從今不得共一覆衣中卧犯者突吉羅不犯者各有別觀身衣

佛在王舍城爾時六羣比丘著俗人衣諸居士呵責言沙門釋子自言善好有德著俗人衣與白衣何異是事白佛佛言從今不得著俗衣犯者突吉羅

佛在王舍城爾時六羣比丘抄襲泥洹僧如相撲人又似作人是事白佛佛言從今不得抄襲衣著犯者突吉羅不犯者登梯覆屋泥屋佛在王舍城爾時六羣比丘負擔行如似驢牛負駛是事白佛佛言從今不聽負擔行犯者突吉羅

佛在舍衛國爾時橋薩羅國有邊聚落是中

常畏賊聚落人民畏賊故捨此處去爾時有比丘從橋薩國向舍衛國是比丘捉瓦鉢漆杖所捨聚落中人遙見來作是念此是賊來捉稍捉楯見已怖畏入樓閣比丘漸漸來近

存八
知是沙門問言汝是何沙門答言釋子沙門汝失沙門法壞沙門法令我等怖畏比丘不

十一

知云何是事白佛佛言從今行時不聽捉杖絡囊犯者突吉羅佛自恣後人間遊行有一羸瘦比丘手捉鉢行佛知故問汝何以手捉鉢行答言無物可盛佛言從今羸瘦老病比丘僧羯磨聽捉杖絡囊盛鉢行應如是作一心和合僧是老病比丘從座起偏袒右肩脫

盛鉢行若僧時到僧忍聽與是老病比丘捉杖絡囊盛鉢行如是白白二羯磨僧與是老病比丘捉杖絡囊盛鉢行竟僧忍默然故是事如是持

佛在舍衛國佛與大眾前後圍邊說法爾時橋薩羅王波斯匿在會中坐有比丘噉蒜遠

大眾行是比丘作是念莫使佛及王聞臭佛遙見是比丘佛爲王說種種法示教利喜王聞法已心大歡喜佛說法已默然王右邊佛而去爾時長老阿難佛後以扇扇佛王去不久佛知故問阿難此比丘何以遠大眾行答言此比丘噉蒜恐佛及王聞臭不敢近佛佛

草屣胡跪合掌作是言大德僧聽我某甲老病比丘從僧乞捉杖絡囊盛鉢行僧憐愍故聽我老病比丘捉杖絡囊盛鉢行如是三乞僧應聽實是比丘若言老病實不老病不應聽若言老病實老病應聽一比丘僧中唱言大德僧聽某甲比丘老病從僧乞捉杖絡囊

知故問阿難比丘噉如是此食耶答言噉若噉如是此食失法利佛言此比丘若入衆中聞我法應得正見語諸比丘是事不應作佛告諸比丘比丘不得噉蒜若噉者突吉羅

佛在舍衛國爾時長老舍利弗得風病藥師教言乳中煮蒜噉舍利弗言佛未聽我乳中

煮蒜噉是事白佛佛言聽乳煮蒜噉隨噉蒜
法行云何隨法行噉蒜者不應近佛及和尚
阿闍梨一切上座佛塔聲聞塔溫室講堂僧
食厨下不得近僧坊外門立不得入僧廁大
小便不得入僧浴室不得入衆人坐處當於
屏房住若急大小便者應使人掘地作處若

存八

十三

無淨人應就遠屏處大小便若病瘞已應掃
灑所住處塗地卧具床席更抖擻故有臭者
應洗浣是比丘從房出閉戶下居下居已去
佛在王舍城爾時六羣比丘自取呵梨勒菓
與淨人已從受噉是事白佛佛語諸比丘不
應自手取呵梨勒菓與淨人更從受噉犯者
突吉羅餘一切果亦如是

佛在舍衛國有比丘名難提是比丘作與學
沙彌如先所說

佛在舍衛國長老畢陵伽婆蹉眼痛時
藥師教言和藥作丸著火上燒服烟優波離
問佛用何物作藥佛言但除青木香藥和合

餘一切香者火手接取烟而咽時以手接烟
難得佛言作筒時筒太長不大得烟佛言莫
長作又復短作便燒手佛言莫太短又時見
藥在一處筒在一處取時難得佛言應畜囊
盛盛時筒破藥九佛言中應施隔施隔已不
繫頭筒墮地佛言應繫頭

佛在舍衛國有病比丘酥油塗身不洗庠悶
是事白佛佛言應用澡豆洗優波離問佛用
何物作澡豆佛言以大豆小豆摩沙豆豌豆
迦提婆羅草梨頻陀子作

佛在舍衛國長老舍利弗患熱血病時藥師
教言以娑摩尼水洗優波離問佛用何物作

存八

十三

娑摩尼佛言除毒樹取餘一切樹華葉作

佛在舍衛國長老畢陵伽婆蹉患眼痛時藥
師教言應灌鼻時比丘以脂灌鼻中或以毳
取而滴滴時不便流入眼更增痛劇是事白
佛佛言作筒灌作筒大鼻不受復小作溢失
不中用是事白佛佛言莫大莫小作得受一

波羅若一波羅半欲唾以手承取以手承取故便欲吐佛言聽用弊納承取佛在舍衛國爾時長老畢陵伽婆蹉患眼痛時親里遣乘來喚答言佛未聽乘乘是事白佛佛言病者聽乘車舉爾時佛不聽乘輦是事白佛佛言聽乘輦是比丘乘輦時垂腳佛

言應攝脚在板上攝脚已身不安佛言聽捉木格爾時有少樂比丘捉木格手痛佛言以物纏木坐時日照面佛言應施軒若一切乘上所須莊嚴物皆聽作

佛在舍衛國爾時諸比丘祇洹中處處大便密跡執金剛神諸非人皆瞋呵責言此中應

作不淨耶佛語比丘不應處處大便當在一處作一處作已大聚糞佛言除却除却時諸比丘吐悶佛言掘地作坑作坑已坑邊有大便汙比丘腳佛言應施安腳處優波離問佛用何物作安腳處佛言以木石甄作大便時露地無障人見佛言應作障時兩相見佛言

應施篋施篋已出入時故相見佛言應施戶時有老比丘上廁時喜倒欲起時便却偃佛言應施格令得企起時須水洗大便處佛言應留水器又無土洗手佛言應安土土或少佛言大器盛是時平地著器或畜生牛馬麋鹿獮猴來蹈壞佛言應鑿地安器又不覆上有毒蛇蟻蠍蜈蚣百足入中齧比丘佛言應覆上又洗手時地大作泥汙腳佛言應作安腳處長老優波離問佛用何物作安腳處佛言用木石甄作諸比丘洗時露現佛言應施障或二三人俱洗相見佛言應施篋又出入時相見佛言應別施戶

存八

古

佛在舍衛國祇洹中諸比丘處處小便金剛神諸非人皆瞋呵責此中應作不淨耶是事白佛佛言不得處處小便應在一處一處作已如渠流佛言應安瓮瓮滿佛言應棄棄時比丘吐悶佛言瓮下作孔令出瓮久便臭佛言應蓋上比丘却蓋時小便時臭劇佛言蓋

上上開小孔令臭氣出時爰四邊小便流汙
脚佛言應作安脚處優波離問佛用何物作
佛言應用木石軋作諸比丘小便時露現佛
言應施障小便時兩相見佛言應施闍施闍
已出入時故相見佛言應施戶

佛在舍衛國爾時有人施僧瓦砾諸比丘不

受不知何所用是事白佛佛言應受用盛水
取水浴室中用

佛在芻摩國與大比丘僧說五陰法所謂色
受想行識爾時佛遍五百比丘一時同聲
言老壽佛語諸比丘以汝等言老壽故便得
老壽耶不也世尊佛言從今不得稱老壽稱

老壽者得突吉羅

佛在舍衛國諸比丘入舍衛城乞食時禮越
施種種好食乳酪生酥熟酥油蜜魚肉脯諸
比丘不取將無是乞美食耶是事白佛佛言
不乞而得應受法竟初二十法

雜誦中二十法上

存八

佛在王舍城爾時跋提長者作大僧坊種種
莊嚴不覆上房舍漏是事白佛佛言應覆覆
已脊上漏佛言更厚覆厚覆已風發佛言應
釤櫛釤櫛已歟孔頭漏佛言應施爰覆覆已
爰喜墮地佛言應穿底作孔釤釤已水入佛
言應釤上安覆金安覆金已風吹櫛動搖作

聲佛言應以草葉樹皮泥纏頭纏頭已安覆
金 佛在舍衛國爾時比丘畜貴價火浣衣
時諸比丘二三人共抖擗抖擗時衣褰縮不
正佛言應細杖打塵土打時土入長條中佛
言更以小杖打打時土入短條中佛言更以
小杖打

佛在舍衛國爾時比丘新成染衣以掃帚掃
却染滓是衣色壞牀上成道是事白佛佛言
應以新手巾却滓

佛在王舍城爾時跋提長者作僧坊極廣大
種種莊嚴多人來看無地覆故多塵土出至
僧房內諸比丘心念若佛聽地覆者善是事

白佛佛言應安地覆

佛在舍衛國諸比丘無擣藥物是事白佛佛
言應石上磨

佛在王舍城爾時瓶沙王於竹園中起五百
僧坊有成者有未成者時王命終王阿闍世
到竹園中看見房舍即問此爲誰作比丘答

言大王是父王所作有成者有未成者王便
命終王問比丘何不成竟答言無直王言我
當與直時房舍成竟無梯道故無人在上住
王問諸比丘是房中有人不答言無何以故
答言以無蹬道故王言我當作比丘答言佛
未聽作是事白佛佛言聽作時長老優波離

問佛用何物作蹬道佛言用木石鞞作

佛在王舍城時僧坊極大一切時多有客比
丘來初夜中夜後夜來者有持大牀去有持
繩牀去者有持大褥去者有持坐褥去者夜
即彼間宿明日棄去爾時陀驥摩羅子典增
臥具後日處處持牀褥來時極苦作是念佛

聽以針綴牀褥者善是事白佛佛言聽綴時
牀褥中央不綴持牀東西時毳并聚一處即
作是念佛聽我綴中央者善是事白佛佛言
聽以針綴長老優波離問佛用何物作針佛
言以鐵作銅作木作

佛在舍衛國爾時長老舍利弗熱血病藥師

教言燒石著乳中飲答言佛未聽我燒石著
乳中飲是事白佛佛言聽燒石著乳中飲燒
石時諸比丘或以草木葉破瓦捻著乳中灰
土汗乳是事白佛佛言從今聽以銅鐵作支
安鎖以石著中燒舉鎖抖擗去灰著乳中灰
佛在舍衛國有人持火爐施長老須菩提須

菩提言佛未聽受是事白佛佛言得受時然
薪火燒墮地比丘以手舉燒手佛言聽作抄
火物

佛在舍衛國爾時長老舍利弗風病藥師教
言以煖水洗答言佛未聽煖水洗是事白佛
佛言聽煖水洗洗時或用鉢鍤瓷碗煖水水少

不足是事白佛佛言聽釜中煖諸比丘盛滿
金水著露地四邊著薪然時釜破是事白佛

佛言應施三碣時碣上安釜下然火薪難然
是事白佛佛言應以斧破薪然

存八

佛在阿羅毗國時寺門楣破佛見已知而故
問阿難是寺門楣何以破耶答言木師忙遠

十七

不得作佛語阿難求木作具來阿難受佛教
取木牛具來與佛佛取以自手治塔門楣治
已語諸比丘從今聽一切木作具應畜隨比
丘得治者治

佛在阿羅毗國時覆僧坊比丘在地立授草

不及佛言應施橙施橙已故不及佛言應施
梯施梯已不遍佛言應施棚施棚已不知云

何施佛言伏上應鉢櫈以繩繫櫈隨意移棚
佛在舍衛國有比丘患男根腫膿血汙衣是
事白佛佛言應以物纏裹

佛在舍衛國有比丘病看病人歲小立抱病
比丘久立迷悶躰地垂死是事白佛佛言年

小看病比丘得共病人坐病人憐愍故

佛在舍衛國諸比丘著新染色衣入舍衛國
乞食值雨時比丘襞衣著一處濕故色異是
事白佛佛言應曬曬時敷地曬曬已上著佛
言應以牛屎塗地曬曬已衣不得乾佛言繩
上曬故不時乾佛言應施曲櫈施曲櫈已故

不時乾佛言應牀上曬曬已故不時乾佛言
應施架施架時妨行處佛言應并一處并一
處已近壁土汙佛言應離壁離壁已故不時
乾佛言應高懸曬

佛在阿羅毗國時諸比丘辦浴具有比丘浴
時脫衣著空地入浴室洗有毒蛇蠍百足
入衣中比丘著衣時爲蟲所螫佛言施衣架
安衣已入浴室洗

佛在舍衛國爾時末利夫人入祇洹聽法諸
比丘闇中說法末利夫人語諸比丘何不然
燈答言無燈夫人言我與燈答言佛未聽我
等然燈是事白佛佛言聽

佛在舍衛國爾時末利夫人施僧高座諸比丘言佛未聽我等受是事白佛佛言聽受末利夫人心念佛聽我盡此高座者善佛言除男女交會像餘者聽盡

佛在舍衛城爾時六羣比丘嚼長楊枝時諸居士見已呵責言諸沙門釋子自言善好有

存八

十八

德云何嚼長楊枝有比丘少欲知足行頭陀聞是事心不喜是事白佛佛以是事集比丘僧知而故問六羣比丘汝實作是事不答言實作世尊佛種種呵責六羣比丘云何名比丘嚼長楊枝佛言從今不得嚼長楊枝被犯者突吉羅時諸比丘嚼短楊枝佛是處經行諸

比丘遙見佛來恭敬故即咽是楊枝塞咽不下垂死是事白佛佛以是事集比丘僧語諸比丘從今聽用三種楊枝上中下上者長十二指下者長六指此二中間名中

佛在舍衛國時有比丘度兒作共行弟子弟子不如法餘比丘言此弟子不如法何不驅

去答言此是我弟子云何驅去是比丘不知云何是事白佛佛言若見若弟子不如法者應驅去

佛在舍衛國爾時沙彌羅睺羅違逆師迦留陀夷時迦留陀夷驅出寺時沙彌羅睺羅在祇洹門外啼泣佛從外來入祇洹時見羅睺

羅啼泣佛知故問何故啼也羅睺羅向佛廣說是事佛語諸比丘從今不得驅沙彌出僧伽藍應驅出房舍

佛在舍衛國時諸比丘唾淨地地發壞是事白佛佛言從今不得唾淨地犯者突吉羅時諸比丘不知唾何處是事白佛佛言應以手

存八

十九

承唾承唾故心中吐噉佛言應畜唾器時器滿佛言應棄棄時復欲吐佛言唾器中著灰著沙著蕉物令消唾

佛在王舍城時長老迦葉從耆闍崛山出上下時日炙面汗入眼眼痛是事白佛佛言聽畜手巾拭

佛在舍衛國長老跋提行頭陀入浴室洗時
不聽他人揩摩作是念若佛聽我編繩自揩
身者善是事白佛佛言聽用編繩長老優波
離問佛以何物作佛言以毳芻摩劫貝文闍
草麻婆婆草舍利弗病患脊病作是念佛聽
我著禪帶坐者善是事白佛佛言聽著禪帶

坐優波離問佛以何物作禪帶佛言用毳芻
摩劫貝文闍草及婆婆草皮作

佛在舍衛國爾時世尊患風脊痛時藥師教
言酥油塗身塗身已槽盛煖水入中卧佛語
阿難煖水著槽中持來阿難受教槽盛煖水
來時佛酥油塗身入中卧已病得除愈佛

以是事集比丘僧語諸比丘從今聽若有風

病以油酥塗身煖水中卧

佛在阿羅毗國諸比丘辦卧具時暮多有各
比丘來僧敷具少諸比丘不知云何是事白
佛佛言從今應上座次第與不得敷具者與
草與葉各令自敷卧具卧

佛在舍衛國橋薩羅國阿練若處有一比丘
住是比丘以頗梨珠出火時賊主彼處見比
丘珠中出火作是念必是毗琉璃珠賊即語
比丘與我此琉璃珠比丘答言善人我無琉
璃珠時賊心念是比丘不肯正爾與我我當
殺此比丘即殺比丘已覓珠於針綻囊中乃

得頗梨珠是賊相語言乃以此頗梨珠故殺
此比丘時賊仰卧死比丘還以頗梨珠著其
齋中便去時諸比丘食後經行見是死比丘
各相謂言以此珠故爲人所殺諸比丘不知
云何是事白佛佛以是事集比丘僧集比丘
僧已語諸比丘從今不得畜月珠日珠畜者存六

二十

突吉羅

佛在王舍城時諸比丘以大價火浣衣石上
浣浣已破壞佛言應平板上手拍浣
佛在舍衛國時末利夫人作一講堂種種莊
嚴施僧諸比丘言佛未聽受種種莊嚴講堂
在中出入諸比丘不知云何是事白佛佛言

此堂清淨可受在中出入時有鵝鴨鳩孔雀俱舍羅鳥鳥耆羅命命飛翥諸鳥入出作聲妨諸比丘坐禪誦經是事白佛佛言應施欄

措施已故來入佛言應施網時優波離問佛以何物作網佛言以毳以芻摩劫貝文闍草麻龍鬚皮等作作已喜爛壞佛言應施雀目

諸鳥故得來佛言應懸簾縣簾時闇佛言應

施繩牽上

佛在阿羅毗國新作僧伽藍無掃地物諸比丘不知云何是事白佛佛言應作掃筆

佛在舍衛國爾時長老畢陵伽婆蹉眼痛心念若聽我高處坐者善是事白佛佛言聽高

上起時毛著身是事白佛佛言應自畜褥覆著僧褥上若不自敷者突吉羅

佛在阿羅毗國比丘露地翹一脚洗便倒地垂死是事白佛佛言應畜洗腳物長老優波離問佛用何物作洗腳物佛言用木石甄作

佛在阿羅毗國作新僧伽藍時天久旱地乾

處坐在高處時墮地作是念若佛聽我高處作欄柵者善是事白佛佛言聽高處作欄柵佛在舍衛國時僧坊無門牛馬獮猴狗等來入是事白佛佛言應作門

佛在舍衛國時諸比丘不知何處著針佛言

應作針筒

存八

廿一

佛在舍衛國諸比丘不知何處著藥草是事白佛佛言應畜盛藥物諸比丘無曬藥物是事白佛佛言應作曬藥物

佛在舍衛國給孤獨居士施僧褥諸比丘言佛未聽受褥是事白佛佛言聽僧畜私亦得畜時諸比丘不自畜褥覆壞僧卧具露身坐

佛在阿羅毗國比丘露地翹一脚洗便倒地垂死是事白佛佛言應畜洗腳物長老優波離問佛用何物作洗腳物佛言用木石甄作多房舍時諸比丘各自房前作安脚踏處佛言應周匝行行作踏處者好

佛在舍衛國諸比丘從橋薩羅國向舍衛國

中道有流水渠諸比丘到渠岸邊住脫革屣已兩屣相拍相拍時塵出諸天神皆瞋呵責是比丘此中不應作是諸比丘不知云何是事白佛佛言從今不得道中拍革屣犯者突吉羅若道中行革屣有土時應用軟羊皮拭佛在舍衛國爾時龍子信樂佛法來入祇洹

爲聽法故有比丘以繩繫咽棄無人處時龍子向母啼泣母言汝何以啼泣答言我爲聽法入祇洹中有一比丘以繩胥我頸棄無人處龍母大瞋往詣佛所向佛言諸比丘時佛爲大衆圍遶說法佛遇見龍母來佛以慈心三昧力滅彼毒心龍母到佛所在一面立白佛言是諸比丘弊惡不善我子信心故來入祇洹聽法諸比丘以繩胥咽遠著無人處龍子在彼被繩胥者是大不好如被擯棄爾時佛種種因緣爲龍母說法示教利喜已默然時龍母聞法已禮佛右遶而去龍母去不久佛以是事集比丘僧語諸比丘從今不得胥

存八
廿二

蛇棄犯者突吉羅聽以器盛覆頭遠著無人處不得畜壓蛇胥犯者突吉羅

佛在舍衛國時放馬人有緣事來至舍衛城爲僧作種種辦盛滿器施僧諸比丘言佛未聽我受怛鉢那是事白佛佛言是淨食應受佛在舍衛國諸比丘無物浸衣是事白佛佛

言應畜槽盂盆浸衣

佛在舍衛國諸比丘無物浣衣是事白佛佛言應畜槽盂盆浣衣

佛在舍衛國時跋提長者作大僧坊種種莊嚴施僧作是念若佛聽我以青赤白黑色莊嚴房施僧者善是事白佛佛言聽汝以青赤

白黑色莊嚴房施僧

佛在舍衛國優伽長者持牛頭栴檀器直十萬兩金及闍浮敷具持到佛所白佛言世尊此中牛頭栴檀器直十萬兩金及闍浮敷具願佛受之若佛得風病以此栴檀器盛油塗身佛默然受時長者見佛默然受已即持

牛頭栴檀器與佛已頭而作禮右遶而去是長者去不久佛以是事集比丘僧語諸比丘今優伽長者施牛頭栴檀器直十萬兩金及闇浮敷具從今若有如是病比丘不求自與應受用

佛在舍衛國有人施僧種種和香諸比丘不受不知云何所用是事白佛佛言應受用塗房舍時諸比丘塗舍外多有衆人來看塔寺衆人見此香塗舍外謂是佛塔聲聞塔時多讀經諸比丘心不喜是事白佛佛言從今若得和香應塗舍內塗牀牀脚牀板牀當衣

概衣架塗地四壁如是塗者房舍得香施者得福

十誦律卷第三十八

壬子末

存八

十誦律卷第三十九

姚秦三藏弟荅羅共三藏鳩摩羅什譯

存九

第六誦之四

佛在芻摩國與五百大衆共會爾時世尊與五百比丘說五陰法所謂色受想行識時諸

徐傳

陸蒲米浣芳伴勞郎到渡鹿指口譽喟諧嚼
反約痒音養或擎莫交臘郎答反韁用而容而肘

知柳曳羊遊蹣尼輒弦紐上胡禡之涉捷帝
瓣蒲典斬音只襯初近襞必亦撲蒲角
稍朝音時尹蒜稼音筆廁初更掘其月抖撇
斗叟反店蹠七何號烏官毳焚歲滿涕歷
二字居徒反下乘乘上平聲馨余預簾音企跂
同義反麋鹿眉上音達喇上他達反掃筆遂下
下丘反下乘乘上去聲馨二音預簾音企跂
碣渠列楣音遽其去棚步庚辟毗益襞必亦
弊叱呼谷反即咽於反見翹渠遙攔捨上時尹干反
祭腎俱大反劍牀當聲下去